



Inatsisartunut Ilaasortaq Anthon Frederiksen, Partii Naleraq  
Inatsisartut Allattoqarfiat  
/Maani

### § 37 naapertorlugu apeqqummut nr 179-imut akissuteqaat

26-07-2016  
Suliap nr. 2016 - 11525  
Allakkat nr. 3220937

Asasara Anthon Frederiksen,

Inatsisartut suleriaasianni § 37 naapertorlugu Air Greenland A/S-imi piginneqataassutit pillugit Naalakkersuisunut apeqquteqarsimavutit. Apeqqutit uannut akineqartussanngortinneqarsimapput.

Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

Apeqqutigineqartunut akissutikka ataani tullerriaarlutik allassimapput.

Apeqqutinut ataatsimut akissutigisinnaavara Air Greenland A/S-imi piginneqataassutit imatut agguarneqarsimasuusut, SAS Namminersorlutillu Oqartussat tamarmik immikut 37,5%-inik piginnittuupput danskillu naalagaaffiat 25%-inik piginnittuulluni.

Namminersorlutik Oqartussat piginneqataassutinik pisiaqassanersut tunisaqassanersulluunniit eqqarsaatigineqaraangat aningaasaqarneq naalakkersuinikkullu ingerlatsineq eqqarsaatigineqartarput. Air Greenland A/S-imut tunngatillugu Naalakkersuisut pilersaarutiginnilaat piginneqataasut allat piginneqataassutsiminnik pisiaqarnissaannik neqeroorteqarnissaq, tassa piginneqataasut allat piginneqataassutaannik Namminersorlutik Oqartussat pisiaqarnerat inuiaqatigiit aningaasaqarnerannut iluaqutaanaviangi-tsoq Naalakkersuisut isumaqaramik.

Ingerlatseqatigiiffiit ingerlataqarnermikkut isertitaat atorlugit ingerlatseqatigiiffiup ingerlanneqarnera aningaasalersorneqartarpoq. 2015-imut ukiumoortumik nalunaarsuaq naapertorlugu ingerlatsinermit aningaasalersuisuupput Ilaasoqarnermi isertitat, Attartortitsinermi isertitat, Assartuinermi isertitat, Allakkatigut isertitat, Kiffartuussinissamik isumaqatigiissutinut akiliutit, Akunnittarfimmik ingerlatsinermit isertitat, Billetsinik tunisaqarnermit isertitat kiisalu "Angallassinernit allanit isertitat". Kaaviiartitanit tamarmiusunit 1.135 mio. kr.-iusunit kiffartuussinissamik isumaqatigiissutinut akiliutigineqarsimapput 122 mio. kr.-it.

Namminersorlutik Oqartussat kiffartuussinissaq pillugu Air Greenland A/S-imut isumaqatigiissutaat, ingerlatseqatigiiffinnik pisortanit namminersortunilluunniit pigineqartunik Namminersorlutik Oqartussat kiffartuussinissamik isumaqatigiissutaat tamaasa assigalugit, tassaapput piumasaqaatit niuernermit tunngatillugu illersorneqarsinnaangi-tsut tunngavigalugit ingerlatseqatigiiffiup sammisassanik naammassinninnissaanut akiliutit, tassa kiffartuussinierup pitsaassusissaanik erseqqinnerusumik nassuiarneqarsima-

sumik ingerlatsiinnarnissamut pisortat immikkut isumaqatigiissuteqarlutik akiliuteqar-  
tinggikkaluarlugit.

Kiffartuussinissamik isumaqatigiissutinut akiliutit niuernikkut illersorneqarsinnaasumik  
sammisassanik naammassinninnissamut atugassaannaangillat. Kiffartuussinissamik  
isumaqatigiissutinut akiliutit aamma innuttaasut naalackersuinikkut suliaqartunit  
ikiorserneqartussatut kissaatigineqartut kiffartuunneqarnissaannut tapiissutaapput.

Akerlianik kiffartuussinissamik isumaqatigiissutinut akiliutit ingerlatseqatigiiffiit inger-  
lanneqarnerannut aningaasaliissuteqarnissaannullu tapiissutaangillat.

Inussiarnersumik inuulluaqqusillunga  
Med venlig hilsen



Kim Kielsen



Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquq imaattoq saqqummiuppara:

**Naalakkersuisunut apeqquq:**

- 1. Air Greenland-imi danskit naalagaaffiata aamma SAS-ip piginneqataassutaasa allannguuteqartinneqarsinnaanerata Naalakkersuisut qanoq isumaqarfigaat ?**
- 2. Suna imminut akilersinnaanerua? SAS-ip aamma Naalagaaffiup Air Greenland-imi piginneqataassutai, nunatsinniit tamarmik pisiarineqarpata imaluunniit Air Greenlandip piginneqataassutai 37,5 %-it SAS-imut naalagaaffimmullu tunineqarpata?**
- 3. Air Greenland-ip ingerlanneqarnerani SAS aamma danskit naalagaaffiat piginneqatigiiffimmuq annerpaamik piginnittutut ingerlatsinermut aningaasaleeqataasarpaa?**

(Inatsisartunut ilaasortaq, Anthon Frederiksen, Partii Naleraq)

**Tunngavilersuut:**

Qularnangitsumik inuit amerlasuujulluta Air Greenland nunatsinniit tamakkiisumik pigisoralugu usorsisimaarutigisarpaput, uffa Ingerlatseqatigiiffimmi tassani piginneqataassutsit taamaallaat 37,5 % nunatsinniit pigineqartut.

Taamaammallu aamma iluanaarutit amerlanersaat nunatsinniit avammut ingerlaqqittarlutik, naak ingerlatsinermut aningaasartuutit atortussanik pisinermi aningaasartuutit nunatsinni atuisunit akilerneqartaraluartut. Ilami allaat Namminersorlutik Oqartussanut Air Greenlandip sullissinissamut isumaqartigiissutigisartagaannut ukiumut 100 million-ilikkaanik nunatta karsia aningaasaleeqataajuartoq.

Taamaammat aamma soqutiginarpoq paasilluassallugu, Air Greenland-imi annerpaamik piginneqataasut, tassa SAS aamma danskit naalagaaffiat ulluinnarni Air Greenland-ip ingerlanneqarneranut, atortussanik pisinernut il.il. aningaasaleeqataasarnersut ?

Ullut suliffiit qulit qaangiutinnginnerani akineqarnissara kissaatingaara.